

l'at'r mon trou maiù castigo.“ Golo è vitt plou angn' in chel stato de desperaziung, e nè savung, se sua mort sii stada plou consolada. Pesc' n' āle mai aibū, cina ch'el nen è gnū fatt giustizia. — Se i bongn' esempi tira al bengn', èle ci i rī esempi gonot, ch' spaventa dal mal. Recordungfe dagnara: Mal porta mal.

## C A P O XX.

### *Conclusiung, la cerfa.*

A so solito, dopo ch' i mittungs ava udū Genofefa, 'l fi e Golo, oroi ciamò udei la cerfa, a chella, che 'l conte i ā fatt injignè na bella stalla. Ella rabī inearc liberament'r t'la curt d'l ciastell, jē gonöt sou pur les stighes cina alla stanza d' Genofefa, e nè s'ungjē, che dō 'ng bung pezz. Mest'ga e cung duttg' in confidenza tolōla 'l mangiè fora d'la mang, e ella ē rispettada — fingmai dai ciangs da ciaccea t'la curt. I mittungs ava sua grang ligrezza impara, e i dē pang, s'la inzertiā e dijō alles umes: „O mi Di! zenza chesta bona bestia la cara contessa e l'amabil picce conte fossa stia t'l desert.“ La fancella, ch' ā da ciarè d'la cerfa i dijō spo: „Nè dessung mai tormentè na pura bestia; s' el nè foss' i bos, che taccung sou'ng cadreia o les vaccies, che nes dà latt, sè stessung nos mal sceoucche Genofefa te chel bosc zenza la cerfa, e 'l mon foss' 'ng desert, se nen essung les besties, el foss' pūcies campagnes coltivatedes, e inutili i bi prà. N' offen-